



NEZAVISNI ODBOR

Na osnovu člana 33. Zakona o unutrašnjim poslovima Kantona Sarajevo („Službene novine Kantona Sarajevo“, broj: 1/16, broj: 6/19 - autentično tumačenje, broj: 26/19, broj: 31/19 i broj: 39/20), člana 7. stav. 1. Zakona o ministarskim, vladinim i drugim imenovanjima Federacije BiH („Službene novine Federacije BiH“ broj: 34/03 i broj: 65/13), člana 8. Poslovnika o radu Nezavisnog odbora („Službene novine Kantona Sarajevo“ broj: 13/22 i broj: 52/22) i Odluke o pokretanju postupka odabira i raspisivanju javnog konkursa za izbor policijskog komesara Ministarstva unutrašnjih poslova Kantona Sarajevo, donesene na sjednici Nezavisnog odbora održanoj dana 27.04.2023. godine, Nezavisni odbor, raspisuje

JAVNI KONKURS ZA IZBOR POLICIJSKOG KOMESARA MINISTARSTVA UNUTRAŠNJIH POSLOVA KANTONA SARAJEVO

I.

Pozicija i nadležnost Policijskog komesara propisana je Zakonom o unutrašnjim poslovima Kantona Sarajevo.

II.

Opis poslova i zadataka policijskog komesara

Policijski komesar rukovodi Upravom policije i odgovoran je za svoj rad ministru i Vladi Kantona.

U rukovođenju Upravom policije, policijski komesar:

- a) predstavlja upravu policije;
- b) nadgleda i usmjerava aktivnosti Uprave policije kojom rukovodi u skladu sa prioritetima koje odredi Vlada Kantona, uz konsultacije sa ministrom;
- c) odlučuje u upravnim stvarima iz nadležnosti Uprave policije;
- d) donosi propise na koje je ovlašten zakonom i vrši izmjene ili dopune istih, te dostavlja ministru nacrt i prijedloge propisa ili izmjene i dopune propisa iz djelokruga rada Uprave policije;
- e) odlučuje o zasnivanju radnog odnosa i prestanku radnog odnosa, kao i o pravima, obavezama i odgovornostima iz radnog odnosa policijskih službenika, državnih službenika i namještenika uposlenih u Upravi policije;
- f) izriče sankcije za lakše povrede službene dužnosti;
- g) priprema prijedloge potrebnih finansijskih i drugih sredstava za rad Uprave policije;

- h) odlučuje o korištenju sredstava i vrši nabavku opreme i materijalno-tehničkih sredstava u skladu sa namjenom odobrenih sredstava na budžetskoj poziciji Uprave policije;
- i) priprema tromjesečne izvještaje i preporuke u vezi sa realizacijom budžeta, koje podnosi ministru;
- j) predlaže ukupan broj uposlenika u Upravi policije;
- k) obrazuje stručne komisije i odgovarajuća radna tijela;
- l) utvrđuje potrebe, određuje i implementira programe stručnog osposobljavanja i usavršavanja uposlenika Uprave policije;
- m) organizuje jedinstven sistem izvještavanja i obrade podataka neophodnih za vršenje nadležnosti Uprave policije;
- n) raspisuje kantonalne potrage i oglašava raspisane potrage;
- o) osigurava saradnju sa drugim policijskim organima i agencijama za sprovođenje zakona u Bosni i Hercegovini, te saraduje sa tužilaštvima, sudovima i drugim nadležnim pravosudnim organima u pitanjima iz nadležnosti Uprave policije;
- p) priprema programe, informacije, analize i druge materijale iz djelokruga rada Uprave policije na zahtjev ministra, Vlade Kantona ili na vlastitu inicijativu;
- r) redovno izvještava ministra o poduzetim aktivnostima Uprave policije, a odmah po događajima i rezultatima poduzetih aktivnosti koje imaju značaj za sigurnost građana i interese Kantona, što će ministar bliže urediti posebnim općim aktom u saradnji sa policijskim komesarom;
- s) obavještava javnost o radu Uprave policije;
- š) podnosi informacije i statističke podatke Federalnom ministarstvu, u vezi sa poslovima iz zajedničke nadležnosti Kantona i Federacije, kao i poslova iz nadležnosti Federacije koji su povjereni Ministarstvu;
- t) odlučuje o načinu osiguranja određenih ličnosti i objekata;
- u) vrši druga ovlaštenja koja su mu ovim zakonom i drugim propisima data u nadležnost;
- v) najmanje jednom mjesečno izvještava Nezavisni odbor o rezultatima rada Uprave policije i stavlja na raspolaganje sve tražene podatke i dokumentaciju iz nadležnosti rada Nezavisnog odbora.

Mandat policijskog komesara traje 4 godine uz mogućnost produženja za još jedan mandat.

III.

Za radno mjesto policijskog komesara kandidat mora ispunjavati sljedeće uslove:

- a) da je državljanin Bosne i Hercegovine;
- b) da je zdravstveno sposoban za vršenje poslova;
- c) da ima stečenu diplomu visokog obrazovanja ili druge obrazovne ili akademske kvalifikacije najmanje VII stepen stručne spreme, odnosno visoko obrazovanje prvog ciklusa Bolonjskog sistema studiranja sa 240 ECTS studijskih bodova ili drugog ili trećeg ciklusa Bolonjskog sistema studiranja, završen pravni fakultet ili fakultet za kriminalistiku, kriminologiju i sigurnosne studije, ili fakultet političkih nauka-odsjek sigurnosnih studija, ili druge visokoobrazovne institucije pravne, kriminalističke, kriminološke i sigurnosne struke;



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax: + 387 (0) 33 562-210
Web: <http://skupstina.ks.gov.ba>, E-mail: skupstina@skupstina.ks.gov.ba

2/5

- d) da ima čin glavnog inspektora;
- e) da mu nije pravomoćnom presudom izrečena krivično pravna sankcija;
- f) da protiv njega nije pokrenut krivični postupak i potvrđena optužnica u skladu sa zakonima o krivičnom postupku u Bosni i Hercegovini;
- g) da se na njega ne odnosi odredba člana IX 1. Ustava Bosne i Hercegovine;
- h) da ne ispunjava uslove za penzionisanje, predviđene zakonom u toku mandata;
- i) da nije bio član političke stranke, niti je bio na bilo kojoj poziciji u političkoj stranci na bilo kojem nivou, niti je bio postavljen na bilo koju poziciju u organima vlasti od političke stranke;
- j) da nije, niti je bio član izvršnog ili zakonodavnog tijela na bilo kojem nivou vlasti u Bosni i Hercegovini;
- k) da nije disciplinski kažnjavao za teže povrede službene dužnosti;
- l) da nije smijenjen s mjesta policijskog komesara.

Pored razgovora, u procesu odabira Nezavisni odbor uzima u obzir sljedeće kvalifikacije:

- a) dostavljeni prijedlog plana i programa rada za vrijeme trajanja svog mandata;
- b) stručno usavršavanje;
- c) godine policijskog iskustva na rukovodećim radnim mjestima;
- d) ocjenu rada u posljednje tri godine;
- e) ostale kvalifikacije koje odgovaraju potrebama radnog mjesta.

Pored dokumentacije iz člana 35. Zakona o unutrašnjim poslovima Kantona Sarajevo, kandidat koji se poziva na razgovor dostavlja i dokumentaciju kojom dokazuje kvalifikacije iz člana 39. stava (2) Zakona.

Nezavisni odbor rangira kandidate na osnovu rezultata razgovora, ocjene kvalifikacija i predloženog plana rada iz člana 39. stav (1) i (2) Zakona o unutrašnjim poslovima Kantona Sarajevo.

IV.

Uz prijavu na javni konkurs kandidati su obavezni priložiti original ili ovjerenu kopiju sljedeće dokumentacije:

1. biografija;
2. prijedlog plana i programa rada za vrijeme trajanja svog mandata (u pismenoj formi);
3. uvjerenje o državljanstvu (ne starije od 6 mjeseci);
4. dokaz o stručnoj spremi - diploma ili nostrificirana diploma (ukoliko škola nije završena u BiH ili je diploma stečena u nekoj od država nastaloj raspadom SFRJ nakon 06.04.1992. godine) visokog obrazovanja ili druge obrazovne ili akademske kvalifikacije najmanje VII stepen stručne spreme, odnosno visoko obrazovanje prvog ciklusa Bolonjskog sistema studiranja sa 240 ECTS studijskih bodova, ili drugog ili trećeg ciklusa Bolonjskog sistema studiranja o završenom pravnom fakultetu ili fakultet za kriminalistiku, kriminologiju i sigurnosne studije, ili fakultetu političkih nauka-odsjek sigurnosnih studija, ili druge visokoobrazovne institucije pravne, kriminalističke, kriminološke i sigurnosne struke;
5. uvjerenje o radnom iskustvu na rukovodećim radnim mjestima u policiji (rukovodna pozicija označava poziciju višeg inspektora ili višu), s vremenskim periodima obavljanja istih i sa naznakom čina koji kandidat ima i vremenskog perioda koji je kandidat proveo u tom činu;



Adresa: Reisa Džemaludina Čauševića 1, 71 000 Sarajevo
 Tel: + 387 (0) 33 562-055, Fax: + 387 (0) 33 562-210
 Web: <http://skupstina.ks.gov.ba>, E-mail: skupstina@skupstina.ks.gov.ba

3/5

6. rješenje o dodjeljivanju čina glavnog inspektora policije;
7. ocjenu rada kandidata u posljednje tri godine;
8. izjave o ispunjavanju uslova iz člana III, tačke g), i), j), l) ovog konkursa (ovjerene od strane nadležnog organa);
9. uvjerenje poslodavca da kandidat nije kažnjavan za teže povrede službene dužnosti;
10. uvjerenje ili potvrda nadležnog Federalnog zavoda PIO/MIO o ukupnom stažu osiguranja kandidata na dan izdavanja, u skladu sa članom 23. Zakona o PIO/MIO Federacije BiH (ne starije od dana objavljivanja konkursa);

Dokaze o stručnom usavršavanju kandidati mogu dostaviti uz prijavu na javni konkurs, ili će iste priložiti tokom intervjua.

Dokaze da kandidatu nije pravomoćnom presudom izrečena krivično-pravna sankcija, i da protiv kandidata nije pokrenut postupak i potvrđena optužnica u skladu sa zakonima o krivičnom postupku u Bosni i Hercegovini, Nezavisni odbor će zatražiti službenim putem od nadležnih institucija za izabrane kandidate, a po okončanju javnog konkursa.

Izabrani kandidati su dužni dostaviti ljekarsko uvjerenje izdato nakon objave konkursa.

U slučaju da u dostavljenim dokazima postoje određene nejasnoće u pogledu ispunjavanja nekih od propisanih opštih i posebnih uslova ovoga javnog konkursa, Nezavisni odbor zadržava pravo da službenim putem zatraži o tome odgovarajuće pojašnjenje ili mišljenje od nadležnih organa, kao i dostavu odgovarajućih akata kao dokaza.

V.

Prijave s potrebnom dokumentacijom dostavljaju se u roku 15 dana od dana zadnjeg objavljivanja javnog konkursa, neposredno ili preporučeno poštom na adresu: Skupština Kantona Sarajevo – Nezavisni odbor, ulica Reisa Džemaludina Čauševića broj 1, 71000 Sarajevo, sa naznakom „Prijava na konkurs - ne otvarati“.

Konkurs će biti objavljen u “Službenim novinama Federacije BiH”, „Dnevnom avazu” „Oslobođenju“ i na web stranici Skupštine Kantona Sarajevo (www.skupstina.ks.gov.ba)

Nezavisni odbor će sa kandidatima koji ispunjavaju uslove javnog konkursa obaviti intervju, o čemu će kandidati biti blagovremeno pismeno obavješteni.

VI.

Nepotpune i neblagovremene prijave neće se uzimati u razmatranje.

Broj:01-04- 19558/23
Sarajevo, 27.04.2023.godine



**PREDSJEDAVALAČI
NEZAVISNOG ODBORA**

Adis Šečić



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax:+ 387 (0) 33 562-210
Web: <http://skupstina.ks.gov.ba>, E-mail: skupstina@skupstina.ks.gov.ba